

Rechts vmb kehret euch/ vnd gegen dem Mann felt ewere Spieß.
Gegen der Reuterey felt ewere Spieß/ zuckend ewere Wehr.
Allerseits gegen der Reuterey felt ewere Spieß.
Pflankt ewere Spieß.
Niderlegt ewere Spieß.

Wann also die Soldaten in disen obangedeuten Articlen wol geübt. Kan ein Obrister Wachtmeister sie frölich zu allerley Kriegszügen vnd Schlachtordnungen brauchen. Vnd wolten die Drüllenmeister wol in acht nemmen/ daß wann sie die sbrigen in einer Schlachtordnung drüllen wollen/ daß sie wo möglich die Ordnung von acht Glidern hoch machen/ nemlich zwey Glid Spieß vor/ vnd zwey Glid Spieß dahinden/ vnd vier Glid Hallenpartierer in mitten/ die Wusquetierer beyderseits an den Flüglen stellen.

Es ist den Ehrbahren Geschwornen vberlassen/ vnangesehen der Vogtheyen die gelegnisten Kirchhörenen drüllens halben zusamen zurichten.

Zu deme haben Basere Gnädige Herren die bequemeste Zeit zusen erachtet/ vnd anaesehen/ als non missen sprüen bis an das end des Meyens/ so dann wider von dem mittren Herpst bis an das end des Weinmonats/ jederzeit soll ein jeder aufgenommne 6. Drülltag vnd 3. Zihlschießend sich abrichten zulassen/ einzustellen schuldig seyn/ vnd wann einer ohn Ehehaffte Ursach außbleibt/ derselbige soll dem Herrn Landvogt 5. Baken Buß verfallen seyn/ vnd dem Drüllenmeister der halbe Theil darvon gehören/ vnd gegeben werden/ hiemit ein Drüllenmeister sein vndergebne ordentlich geschriben wird haben/ den gegenwärtigen ein Zeichen zumachen/ dessen Fürsichtigkeit nach dem ihme vil oder wenig vndergeben werden seyn/ alles in ein ordentliche Abheilung zurichten/ daß ein jeder seine 6. Drüll/ vnd 3. Zihlschieß Tag versehen thue/ dergestalten Vnsere Gnädige Herren ein vernügen haben wollen.

E N D E.